

**MODIFICACIÓN ORZAMENTARIA: TRANSFERENCIA DE CRÉDITOS 4/2024****PROPOSTA DA ALCALDÍA****EXPEDIENTE: 17902/2024****ANTECEDENTES**

O Concello de Ames quere poñer en marcha unha nova campaña dos “Bonos Consuma” tras o éxito da campaña no comercio local nos últimos 3 anos.

O importe da campaña ascendería a 60.000 euros , importe que non estaba previsto nos créditos iniciais do to Municipal para o exercicio 2024, polo que sería necesario dotar crédito adecuado e suficiente a través dunha modificación de crédito.

Proponse minorar partidas que non se van a executar antes de que finalice o exercicio orzamentario tramitando unha Transferencia de Crédito.

Proponse minorar partidas que non se van a executar antes de que finalice o exercicio orzamentario tramitando unha Transferencia de Crédito.

POSIBILIDADE DE MINORAR AS APLICACIÓNS DE GASTO SEN MERMA DOS SERVIZOS CORRESPONDENTES..-

Aplicación que cede crédito		Proxecto	Importe	Xustificación da minoración
133	62300	2024/4/PROX./1	60.000,00€	O proxecto incluído no Anexo de Investimentos do Orzamento Municipal do exercicio 2024 denominado “Investimentos prazas de garaxe no Milladoiro(maquinaria)”, non se vai executar antes de que remate o exercicio orzamentario xa que aínda non se tramitou o expediente para o exercicio da actividade económica de aparcamento público .

A transferencia proposta é a seguinte:

**TRANSFERENCIA DE CRÉDITO 4/2024**

Aplicación que recibe crédito		IMPORTE	Aplicación que cede crédito		IMPORTE
4314	48000	60.000,00€	133	62300	60.000,00€

**NORMATIVA APLICABLE**

A normativa de aplicación ao asunto informado é, en esencia, a recollida nas seguintes disposicións:

Normativa estatal.

- Lei 7/85, de 2 de abril, Reguladora das Bases do Réxime Local (LRBRL)
- RDL 2/2004, de 18 de abril, polo que se aproba o Texto Refundido da Lei reguladora das facendas locais (TRLRFL).
- Lei Orgánica 2/12, de 27 de abril, de estabilidade orzamentaria e sustentabilidade financeira (LOEPSF).
- Real Decreto 500/90, de 20 de abril, que desenrola o TRLRFL en materia orzamentaria.

- Real Decreto 1463/2007, do 2 de novembro, polo que se aproba o Regulamento de desenvolvemento da Lei 18/2001, do 12 de decembro, de estabilidade orzamentaria, na súa aplicación ás entidades locais.
- Orde EHA/3565/2008, de 3 de decembro, pola que se aproba a estrutura dos orzamentos das entidades locais.
- Orde HAP/2105/2012, de 1 de outubro, pola que se desenvolven as obrigas de subministro de información previstas na Lei Orgánica 2/2012, de 27 de abril, de Estabilidade Orzamentaria e Sustentabilidade Financeira.

Normativa aprobada polo Concello de Ames.

- Bases de execución do orzamento.

## FUNDAMENTOS XURÍDICOS

As transferencias de crédito poden ser descritas como aquelas modificación do orzamento de gastos mediante a que, sen alterar a contía total do mesmo, o importe dun crédito é destinado -total ou parcialmente- ao financiamento de gastos imputables a partidas orzamentarias con diferente vinculación xurídica.

Segundo dispón a normativa estatal sinalada ao principio deste informe, as entidades deberán regulará, nas Bases de execución do orzamento, o réxime de transferencias, establecendo o órgano competente para autorizalas; en todo caso, a aprobación das transferencias entre distintos grupos de función<sup>1</sup> corresponderá ao pleno, salvo cando tanto as baixas como as altas afecten a créditos de persoal.

De acordo co previsto na referida base de execución do orzamento nº 13, os expedientes tramitaranse pola Alcaldía, previo informe da Intervención, que deberá certificar a existencia de crédito suficiente na aplicación orzamentaria que deba ceder crédito, e non só na bolsa de vinculación xurídica na que esta se atope incluída. Esta base prevé igualmente que aprobación dos expedientes de transferencias de créditos entre distintas áreas de gasto corresponderá ao Pleno do Concello, salvo cando as altas e as baixas afecten a créditos de persoal.

Figura no expediente informe favorable de Secretaría e Intervención.

Por todo o que antecede proponse ao Pleno do Concello de Ames, sen quórum especial, a adopción dos seguintes acordos:

**Primeiro.** Aprobar inicialmente o expediente de Transferencia de Créditos 4/2024 entres distintas áreas de gasto do orzamento municipal do exercicio 2024, de acordo co seguinte detalle:

### TRANSFERENCIA DE CRÉDITO 4/2024

Aplicación que recibe crédito		IMPORTE	Aplicación que cede crédito		IMPORTE
4314	48000	60.000,00€	133	62300	60.000,00€

**Segundo.** Aprobar inicialmente a modificación do Anexo de Investimentos do Orzamento do Concello para

<sup>1</sup> Áreas de gasto, de acordo ca nova estrutura orzamentaria (Orde EHA 3565/2008).

exercicio 2024 minorando o seu importe en 60.000€ o proxecto 2024/4/PROX./1 denominado “Investimentos prazas de garaxe no Milladoiro(maquinaria)”.

**Terceiro.-** Publicar este acordo de aprobación inicial da modificación de créditos transferencia 4/2023 no Boletín Oficial da Provincia por un prazo de 15 días hábiles para que os interesados/as poidan examinar o expediente e presentar as alegacións ante o Pleno que estimen convenientes. O acordo de aprobación inicial elevarase a definitivo si durante o prazo de exposición pública non se presentasen reclamacións.

**Cuarto.** Facultar o alcalde do Concello de Ames para cantas actuacións de trámite sexan precisas para a mellor execución do acordado.

Ames, outubro 2024.  
O alcalde

José Blas García Piñeiro

DATA DE SINATURA: HASH DO CERTIFICADO:  
11/10/2024 2552C596968C16B9FCB84BE9697BB9BF010C732

POSTO DE TRABAJO: Alcalde  
Asinado Dixitalmente no Concello de Ames - https://sede.concellodeames.gal - Código Seguro de Verificación: 15220IDOC2406B7D8BD9393E4C8B

NOME: GARCIA PIÑEIRO, JOSE BLAS